

ՏԵՔՍՏԻԼ ԱՐՏԱԴՐԱՆՔԸ ԿԻԼԻԿՅԱՆ ՀԱՅԱՍՏԱՆԻ ՄԻՋԱԶԳԱՅԻՆ
ԱՌԵՎՏՐՈՒՄ (XIII–XIV դդ.)

ԶՈՀՐԱԲ ԳԵՎՈՐԳՅԱՆ

XIII դ. սկզբից Կիլիկյան Հայաստանը դարձավ միջերկրածովյան մեծ ընտանիքի անդամ՝ արագորեն ներգրավվելով նրանում ընթացող ինչպես քաղաքական, այնպես էլ տնտեսական բազմակողմանի գործընթացներին: Արևելք–Արևմուտք առևտրա-տնտեսական հարաբերություններում Կիլիկյան Հայաստանի դերը կտրուկ աճեց, երբ Չինգիզ խանի թոռ Հուլավուն 1258 թ. նվաճեց Բաղդադը, որն այդ ժամանակ Ասիայի խորքերից Մերձավոր Արևելք ձգվող առևտրային ճանապարհների գլխավոր հանգուցակետն էր: Հուլավուն հիմնում է Իրանի մոնղոլական պետությունը՝ Բլխանությունը և իր պետության մայրաքաղաք հռչակում Թավրիզը: Հենց վերջինս էլ դառնում է առևտրական ճանապարհների նոր հանգուցակետը, որտեղից դեպի Միջերկրական ծով դուրս եկող ճանապարհների գլխավոր դարպասն է դառնում Կիլիկյան Հայաստանի խոշորագույն նավահանգիստ Այսար: Այսպիսի Թավրիզ և հակառակ ուղղությամբ ընթացող ապրանքաշրջանառությունն արագորեն աճում է, որի քննությունը կարող է փայլուն օրինակ ծառայել ընդհանրապես XIII–XIV դդ. Եվրոպայի ու Ասիայի միջև ընթացած առևտրական հաշվեկշռում շրջանառված ապրանքների տեսականու համար: Եթե Ասիայից դեպի Եվրոպա էին արտահանվում գլխավորապես համեմունքներ ու հումքային ապրանքներ, ապա հատկապես XIII դ. վերջից (Եվրոպայում ձեռնարկատիրական արտադրության զարգացմանը զուգընթաց) եվրոպացի վաճառականներն Արևելքի շուկաներ էին բերում տարատեսակ պատրաստի արտադրանքներ, ուր գերակշռում էր տեքստիլային զանազան արտադրանքը:

Հնուց ի վեր մետաքսը համարվել է Արևելք–Արևմուտք առևտրի ամենախորհրդանշական ապրանքատեսակը: Հին աշխարհում մետաքսի արտադրության մենաշնորհը պատկանում էր Չինաստանին: Սակայն Հուստինիանոս կայսեր (527–565) օրոք թթենու շերամը ներմուծվել էր Բյուզանդիա¹: Իտալիայում մետաքսյա գործվածքների արտադրության առաջին հիշատակությունները վերաբերում են X դ. առաջին կեսին: XIII դ. Ֆլորենցիայից քիչ հեռու գտնվող տոսկանական Լուկա քաղաքը դարձել էր Եվրոպայի մետաքսի արտադրության գլխավոր կենտրոնը: Այն կլանում էր ջենովացիների կողմից Եվրոպա բերվող հումքային մետաքսի մե-

¹ Տե՛ս R. S. Lopez. China Silk in Europe in the Yuan Period.– “Journal of the American Oriental Society” (New Haven), 1952, v. 72, № 2, p. 72.

ծագրւյն մասը²: Չնայած XIII–XIV դդ. գյուղատնտեսական խորը ճգնաժամին՝ Իլխանութեան տարածքում թթենիների մշակման և միաժամանակ հումքային մետաքսի արտադրութեան ծավալները ոչ միայն չէին նվազում, այլև աճում էին³: Սկզբնաղբյուրներում հիշատակված են մոնղոլական պետութեան տարբեր շրջաններում արտադրված մետաքսի տեսակներ. քարձրորակ էր լեզին (leggi կամ lezi), որն իր անունն ստացել էր Գիլանի շրջանի Լահիջան քաղաքից: Հայտնի էին նաև Գիլանի (seta ghella), Մազանդարանի (seta massandroni), Թալիշի (seta talani), Շաքիի (sicchi կամ sacchi), Գանձակի (canzia, cancia), Շամախիի (chamaki) և մետաքսի շատ այլ տեսակներ⁴: Եվրոպացի վաճառականները մետաքս ներմուծում էին նաև հեռավոր Չինաստանից, որտեղ այն շատ ցածր գին ուներ⁵:

XIII դ. 50–60-ական թվականների վերջից մինչև XIV դ. 40-ական թվականները Թավրիզից Այաս մեծաքանակ չինական մետաքս է ներկրվել: Այդ երկու քաղաքներում օգտագործված չափի ու կշռի միավորների համեմատութեան մեջ համեմունքներից անմիջապէս հետո նշված է մետաքսը⁶: Մի շարք հետազոտողների կարծիքով վերոնշյալ ժամանակամիջոցում Իտալիա և Ֆրանսիա ներմուծված չինական մետաքսի մեծ մասը ձեռք էր բերվել Այասում և սևծովյան որոշ նավահանգիստներում⁷: Ի դեպ, Իրանից Այաս և Տրապիզոն արտահանված հումքային մետաքսը և մետաքսյա հագուստը քարձր որակ է ունեցել⁸: Կիլիկյան Հայաստանի շուկաներում վա-

² I. De l' Punta. Lucca e il commercio della seta nel Duecento.– Per Marco Tangheroni. Studi su Pisa e sul Mediterraneo medievale offerti dai suoi ultimi allievi, Pisa, 2006, pp. 99–127; A. Muthesius. Silk in the Medieval World.– The Cambridge History of Western Textiles, V. 1, Cambridge Un. Press, 2003, pp. 333–334.

³ I. Petrushevsky. The Socio-Economic Condition of Iran under the Il-Khans.– The Cambridge History of Iran, vol. 5, The Saljuq and Mongol Periods, ed. Boyle J. A., Cambridge, 1968, pp. 504–505.

⁴ Francesco Balducci Pegolotti. La Pratica della Mercatura (*այսուհետև՝ Pegolotti*). New York, 1970, pp. 297–300; Марко Поло. Книга. М., 1956, с. 58, 252; E. Ashfor. The Economic Decline of the Middle East during the Later Middle Ages.– Technology, Industry and Trade. The Levant versus Europe, 1250–1500, Great Yarmouth, Norfolk, 1992, II, pp. 265–268; I. Petrushevsky. Նշվ. աշխ., էջ 504–505, W. Heyd. Histoire du commerce du Levant au moyen âge, t. II, Amsterdam, 1967, pp. 670–673.

⁵ R. S. Lopez. Նշվ. աշխ., էջ 75; E. Ashfor. Levant Trade in the Later Middle Ages, Princeton, New Jersey, 1983, p. 63.

⁶ Pegolotti, p. 30.

⁷ R. S. Lopez. Նշվ. աշխ., էջ 74; R. Bautier. Les relations économiques des Occidentaux avec les pays de l'Orient au moyen âge.– Sociétés et compagnies de commerce en Orient et dans l'océan Indien, ed. M. Mollat, Paris, 1970, p. 291; M. Balar. Genes et la mer Noire (XIII–XV siècles).– Revue historique, T. CCLXX, Paris, 1983, p. 35–36; С. Карпов. Итальянские морские республики и Южное Причерноморье в XIII–XV вв.: проблемы торговли. М., 1990, с. 115; M. Lucidi. La seta e la sua via, De Luca, Roma, 1994, p. 38.

⁸ С. Карпов. Трапезундская империя и западноевропейские государства в XIII–XV вв. М., 1981, с. 32.

ճառվում էին մետաքսի բազմաթիվ տեսակներ⁹: Այսպես, Այասում 1277 թ. սեպտեմբերի 20-ին կնքված մի գործարքով Գրիմալդո Բեստանինոն կոմսենդայի պայմանագրով Օբերտո Պիկամիլիոյից պետք է ստանար մոտ 4036 հայկական նոր դրամ¹⁰ (այսուհետև՝ հ. ն. դ.) արժեքով 1 ֆարդել¹¹ կշռով Ջիջերիոյի մետաքս (seta de Gigerio)¹²: 1214 թ. Լևոն Ա-ի կողմից Երուսաղեմի Հյուրընկալ ասպետների վարձավճարով տրամադրված Կիլիկիայի մի շարք շրջանների թվում հիշատակված է նաև Ճկերի շրջանը, որը լատիններենով կազմված պայմանագրում նշված է Giguerii ձևով: Այն գտնվում էր Կիլիկյան Հայաստանի հարավարևելքում՝ Հայկական կամ Ալեքսանդրեոսի ծոցի ափին, որտեղ, անշուշտ, կարող էին զբաղվել շերամապահությանը և մետաքսի արտադրությանը¹³: Ջիջերիո տեղանվան մյուս տարբերակը կարող էր լինել մետաքսի արտադրությանը հայտնի Բլիսանության մերձկասպյան Գուրգան կամ Ջուրջան (Gurgan, Djurdjan) նահանգը¹⁴: 1277 թ. նոյեմբերի 2-ին Այասում ձևակերպված կոմսենդայի պայմանագրով Գվիլելմո դե Գրիգորիոն Գանդինո դե Մարիից ստանալու էր 2000 հ. ն. դ. արժեքով երկու տեսակի հումքային մետաքս՝ seta cancia և garldabam, որոնք պետք է վաճառեր Աքքայում: Եթե garldabam տեսակն անորոշ է, ապա cancia-ն Գանձակից ստացվող մետաքսն էր¹⁵: Հիշատակված են նաև մուգ կարմիր գույնի (seta chermisi), նուրբ (seta sottile), ինչպես նաև բարձրորակ լեզին: Ընդ որում, վերջինի դիմաց հատուկ նշված է, որ այն ձեռք է բերվել Հայկական ծոցից, ամենայն հավանականությամբ՝ Այասից (leggi del Golfo d'Erminia)¹⁶: Իտալացի միջնադարագետ Իգնասիո

⁹ L. Balletto. Notai genovesi in Oltremare, atti rogati a Laiazzo da Federico di Piazzalunga (1274) e Pietro di Bargone (1277, 1279), Genova, 1989, B, N 17, 83; D. Jacoby. Silk Economics and Cross-Cultural Artistic Interaction.– Byzantium, the Muslim World, and the Christian West, Dumbarton Oaks Papers, 58, 2004, p. 234; Ն ու յ ն ի՝ Mercanti genovesi e veneziani e le loro merci nel Levante crociato. Genova, Venezia, il Levante nei secoli XII–XIV.– Atti del Convegno, Genova – Venezia, 10–14 marzo, 2000, a cura di G. Ortalli, D. Puncuh, Genova, 2001, p. 240–241; I. De l P u n t a. Նշվ. աշխ., էջ 114, 120:

¹⁰ Հայկական նոր դրամը սկսել է հատվել Լևոն Բ-ի գահակալության շրջանում: Այն Կիլիկյան Հայաստանի միջազգային առևտրական հարաբերություններում ամենից շատ օգտագործված դրամական միավորներից էր. դրանք 2,9 գր կշռով արծաթյա դրամներ էին: Հետագայում՝ XIV դ. առաջին քառորդում, նոր դրամի արծաթի պարունակությունը նվազեցվել է, որի հետ միաժամանակ այն սկսել է արժեզրկվել (տե՛ս Ղ. Ա լ ի շ ա ն. Միսուն, Վենետիկ, 1885, էջ 385, Զ. Պ տ ու կ յ ա ն. Կիլիկյան Հայաստանի դրամները.– «Հանդես ամսօրյա», 1961, -1–12, էջ 58–59):

¹¹ Հումք մետաքսի ամենատարածված կշռի միավորը ֆարդելն էր: Ըստ Պետտրոլիի՝ 1 ֆարդելը հավասար էր 80 կգ (Pegolotti, p. 300; С. Карпов. Итальянские морские республики..., с. 334):

¹² L. Balletto. Նշվ. աշխ., B, N 17.

¹³ V. Langlois. Le Trésor des chartes d'Arménie ou Cartulaire de la chancellerie royale des Roupéniens, Venise, 1863, p. 124; Հայաստանի պատմության ատլաս, մաս Ա, հեղ. Բ. Հարությունյան, Երևան, 2004, էջ 76–77:

¹⁴ E. Ashfor. The Economic Decline of the Middle East, p. 266.

¹⁵ L. Balletto. Նշվ. աշխ., B, N 43.

¹⁶ Pegolotti, p. 59, 297; Zibaldone da Canal. Manoscritto Mercantile del sec. XIV, ed. A. Stussi, Venezia, 1967, p. 61; R. Bautier. Նշվ. աշխ., էջ 318; D. Jacoby. Dalla materia prima ai drappi tra Bisanzio, il Levante e Venezia: la prima fase dell'industria serica veneziana.– La seta in Italia dal Medioevo al Seicento. Dal baco al drappo, eds. Molà L., Mueller R. C., Zanier C., Venezia, Marsilio, 2000, p. 271.

դել Պունտան սկզբնաղբյուրներից դուրս է գրել Լուկա ներմուծված հում-
քային մետաքսի տեսակները, որոնց մեջ առանձնահատուկ տեղ է զբաղեց-
րել Կիլիկյան Հայաստանի Մամեստիա քաղաքի անունն ունեցող արտադ-
րանքը¹⁷: Ֆամագուստայում 1300 թ. դեկտեմբերի 13-ին կնքված պայմա-
նագրում շրջանառվել է հատուկ Այասի անվանումը կրող մետաքս (seta di
Laiazzo)¹⁸: 1309 թ. նոյեմբերի 19-ին կրկին Ֆամագուստայում կնքված մեկ
այլ գործարքով Միմոնինո Չեվոլա անունով մի վաճառական ձեռք էր բերել
մեկ այլ Պերայից բերված տարատեսակ ապրանքներ, որպեսզի վաճառեր
Այասում: Ապրանքների թվում նշված է «կավալի» անվանումով հումք մե-
տաքսի մի տեսակ, որն այլ սկզբնաղբյուրներում չի հիշատակվում¹⁹:

Ղ. Ալիշանի «Միտուանում» կարդում ենք. «... ընդ նմին և ազգ ինչ ոսկե-
ճամուկ մետաքսեայ դիպակի. զի էթէ Սմբատ թագաւոր ի Վենետկոյ գնէր
դիպակս ոսկեթելս (ինն փերթ) (յամի 1298) յընծայ սուլտանին, եղբայր նո-
րա Օշին արքայ՝ յամին 1310 առաքէր ընծայ առ Դուքս Վենետկոյ դիպակս
ոսկեթելս (Drapis ad aurum կամ Drapis setae գրեալ ի դիւանս Վենետկոյ)»²⁰:
Վենետիկյան սկզբնաղբյուրների մի արժեքավոր հավաքածուից տեղեկա-
նում ենք, որ Կիլիկիայի Սմբատ արքային (1296–1298) կտոր վաճառած
վենետիկցի առևտրականի անունը Սարկո Միքայել Լո Թաթարո է
եղել: Փաստաթղթում նշված է, որ մեկ փերթ կամ կտոր ոսկեթել դիպակի
դիմաց վճարվել էր 800 հ. ն. դ.²¹: Ոսկե թելերով զարդարված մետաքսյա
կտորը և հագուստը կարող էին լինել և՛ եվրոպական, և՛ տեղական ար-
տադրության: Ըստ իտալական սկզբնաղբյուրների՝ 1283 թ. վենետիկյան
շուկաները հեղեղած ոսկեդիպակի (samitti, xamittos et drapos omnes
sete ultramarino) ձեռքբերման գլխավոր աղբյուրներն Այասը և Աքքան
էին²²: Սկսած 1295 թ.՝ Եվրոպա ներմուծված ապրանքների ցանկում
հայտնվել էր կիլիկյան Տարսոն քաղաքի անվանումն ունեցող մետաքսյա
կտորը (pannus tarsicus, pannus de Tarsico)²³: Անգլիայում 1328 թ. օտարերկր-
յա վաճառականներին տրված առևտրական շնորհագրերում բազմա-

¹⁷ I. De l Punta. *Նշվ. աշխ., էջ 106, 109*:

¹⁸ V. Polonio. Notai genovesi in Oltremare. Atti rogati a Cipro da Lamberto di Sambuceto (6 luglio 1300 – 3 agosto 1301), Genova, 1983, N 149.

¹⁹ M. Ballard. Notai genovesi in Oltremare. Atti rogati a Cipro da Lamberto di Sambuceto (31 marzo 1304 – 19 luglio 1305, 4 gennaio – 12 luglio 1307), Giovanni de Rocha (3 agosto 1308 – 14 marzo 1310), Genova, 1984, B, III N 28.

²⁰ L. Alishan. L'Armeno-Veneto, Compendio Storico e Documenti delle Relazioni degli Armeni coi Veneziani, Primo periodo, secoli XIII–XIV, Parte II, Documenti, Venezia, 1893, p. 66–67, 133–134; Ղ. Ալիշան *նշվ. աշխ., էջ 369, 371*:

²¹ Diplomatarium Veneto-Levantinum, v. 1, 1300–1350, ed. G. M. Thomas, R. Predelli, Venetiis, 1880, p. 38–39.

²² A. Bondi Sebellio. Felice de Merlis, prete e notaio in Venezia ed Ayas, 1315–1348, v. 1, Venezia, 1973, N 83; D. Jacoby. Silk Economics and Cross-Cultural Artistic Interaction, p. 234; C. Otten-Froux. Les relations économique entre Chypre et le Royaume Arménien de Cilicie d'après les actes notariés (1270–1320).– “L'Arménie et Byzance”, Paris, 1996, p. 171; B. Dini. I circuiti de commercio internazionale nel tardo Medioevo. Prodotti e tecniche d'oltremare nelle economie europee. Secoli XIII–XVIII.– Settimane di Studi, 29, Firenze, 1998, p. 653:

²³ D. Jacoby. Silk Economics and Cross-Cultural Artistic Interaction, pp. 233–234.

թիվ ապրանքների կողքին տեղ էր գտել ջենովացիների կողմից ներմուծված միևնույն տարատնյան մետաքսյա կտորեղենը²⁴: Միջնադարագետ Դ. Ջեյքոբին գտնում է, որ 1317 թ. Ֆրանսիա բերված ապրանքների ցանկում հանդիպող «թուրքական» անվանված ոսկե թելերով ասեղնագործված կտորը, ամենայն հավանականությամբ, արտադրված է եղել Կիլիկյան Հայաստանում և հյուսիսի թուրքական շրջաններում²⁵: Սկզբնաղբյուրներում հանդիպում են նաև մետաքսյա բարձեր, շալ, վերարկուներ, դրամապանակներ և այլն²⁶:

Առավելապես արևելյան ծագում ունեցող Դերբենդով ու Սև ծովով ներկայիս Ռուսաստանի տարածքներից և Ասիայի հեռավոր շրջաններից Կիլիկյան Հայաստան ներմուծված թանկարժեք մորթեղենը: Տարածված էին կզաքիսի, սամույրի, ջրասամույրի, սկյուռի, կուղբի, աղվեսի, վայրի կատվի մորթու տեսակները, որոնք վաճառվում էին ինչպես առանձին, այնպես էլ տարբեր հագուստների օժանդակ մասերի տեսքով: Հատկանշական է, որ թանկարժեք մորթեղենը խաչակրաց տիրույթներ հիմնականում ներկրվում էր Կիլիկյան Հայաստանի տարածքով²⁷:

Միջազգային շուկայում մեծ հռչակ էր վայելում Կիլիկյան Հայաստանում նրբագեղմ այծի բրդից արտադրված գործվածքը՝ ցփսին. «Ընդ այժեմանց ի դեպ է իմանալ և զընտանին այժ ստևագեղ, որ ի հնումն յոյժ հռչակեալ էր, և մի ի նշանագոյն և շահաբեր ձեռագործաց վաճառուց երկրիս էր, յաւուրս մերոց պայագատաց՝ Յփսի նոցին, յաճախ գնեալ յԻտալացուց և կոչեցեալ ի նոցանէ Զambellotto կամ Ciambellotto»²⁸: Եվրոպացիների կողմից «կամելոտ» անվանված այս գործվածքը պատրաստում էին ոչ միայն այծի, այլև ուղտի ու ոչխարի բրդից: Կիլիկյան Հայաստանում ցփսիի արտադրության գլխավոր կենտրոնն Այասն էր²⁹: Ի դեպ, տեղական արտադրության ծավալները չէին բավարարում այս ապրանքատեսակի մեծ պահանջարկը, որը լրացվում էր կիպրական ցփսիի հաշվին³⁰:

Կիլիկիայի շուկաներում վաճառվող եվրոպական ապրանքների հաշվեկշռում մահուդն առաջնային նշանակություն ունեցող էր: Ինչպես եվրոպական շատ այլ ապրանքատեսակների պարագայում, Կիլիկյան Հայաստան

²⁴ M. E m i l e V i n c e n s. Histoire de la République de Gènes, t. 1, Paris, 1842, p. 384.

²⁵ D. J a c o b y. Silk Economics and Cross-Cultural Artistic Interaction, p. 234.

²⁶ L. B a l l e t t o. Notai genovesi in Oltremare, A, N 40; C. D e s i m o n i. Actes passés en 1271, 1274 et 1279 à l'Âîas (Petite Arménie) et à Beyrouth par devant des notaires génois.– Archives de l'Orient latin, t. I, Paris, 1881, p. 455 ; Զ. Պ ա ռ ի կ յ ա ն. նշվ. հոդվ., էջ 743–747, E. D u l a u r i e r. Le Royaume de la Petite Arménie au temps des Croisades.– Recueil des historiens des croisades, Documents Arméniens, t. I, Paris 1869, p. CII–CIII.

²⁷ L. B a l l e t t o. Նշվ. աշխ., A, N 105, B, N 7, 14, 72; E. R e y. Les colonies Franques de Syrie aux XII^{me} et XIII^{me} siècles, Paris, 1883, p. 208; R. D e l o r t. Le commerce des fourrures en Occident à la fin du moyen âge (vers 1300-vers 1450), École française de Rome, v. 1, Palais Farnèse, 1978, p. 259.

²⁸ Դ. Ա լ ի շ ա ն. նշվ. աշխ., էջ 31:

²⁹ W. H e y d. Նշվ. աշխ., էջ 704–705, E. R e y. Նշվ. աշխ., էջ 219, M. G. C a n a l e. Nuova istoria della Republica di Genova, del suo commercio e della sua letteratura, dale origini all'anno 1797, v. 3, Firenze, 1860, p. 246.

³⁰ С. Б л и з н ю к. Мир торговли и политики в королевстве Крестоносцев на Кипре, 1192–1373. М., 1994, с. 110–113.

մահուղը գլխավորապես ներկրվում էր Կիպրոսից³¹: Այստեղ կնքված գործարքներում հիշատակվում են միջնադարի եվրոպական մահուղի ամենահայտնի տեսակները՝ Իրիդայի, Իպրի, Ավինյոնի, Նարբոննայի, Ֆրանսիայի Շամպան երկրամասում գտնվող Շալոն կամ Յալոն քաղաքի բազմագույն ու տարատեսակ արտադրանքները և այլն³²: 1277 թ. մի գործարքում հանդիպում ենք բարձրորակ մահուղի երկու տեսակ՝ 16 կտոր կարմիր գույնի, ծալքերով և 6 կտոր Սասնոյի կանաչ գույնի³³: Բավական հայտնի էր նաև Իտալիայի Լոմբարդիա երկրամասի ձեռնարկությունների արտադրանքը³⁴: XIII դ. վերջին և XIV դ. սկզբին Կիպրոսում գործած ջենովացի նոտարներ Լամբերտո դե Սամբուչետոյի և Ջիովաննի դե Ռոքայի հեղինակած յոթ պայմանագրում Կիլիկիա ուղարկված մահուղի և ուղտի բրդյա գործվածքների ընդհանուր արժեքը կազմել է 11.348 սպիտակ բյուզանդ³⁵ (կամ Կիպրոսից Կիլիկիա ուղղված բուրդ ներդրումների մոտ 8,5 %-ը): Դրանցում գերակշռում է ֆրանսիական մահուղը³⁶: 1315 թ. հուլիսի 24-ին Պերայում կնքված գործարքով Կոստանդնուպոլսի բնակիչ Սալվետո դ'Աստին Անդրեա Մորինոյից ձեռք էր բերել մեծաքանակ ֆրանսիական մահուղ, որպեսզի այն վաճառեր Սիսուսի³⁷: Եվրոպական մահուղը Կիլիկյան Հայաստանով արտահանվում էր դեպի հյուսիս, ինչի մասին վկայում են Այասում կնքված նոտարական մի շարք գործեր: Դրանց մեծ մասում տեղափոխման ու վերավաճառման նպատակակետերը Սեբաստիա և Կոնիա քաղաքներն են եղել³⁸:

Կիլիկյան քաղաքներում մեծ սպառում ուներ եվրոպական կտավը, որոնցից հայտնի էին Ռեյմսի, Շամպանի, գերմանական, հյուսիսիտալական արտադրության և այլն³⁹: Եվրոպայում խոշորագույն, Ֆլորենցիայի

³¹ С. Близнюк. *Նշվ. աշխ.*, էջ 110–112:

³² L. Balletto. *Նշվ. աշխ.*, B, N 27, 29, 30, 31, 47, 50, 130, 134, 135, 136, 138; C. Desimoni. *Նշվ. աշխ.*, էջ 530, 533–534, E. Dulaurier. *Նշվ. աշխ.*, էջ CII–CIII, D. Abulafia. *Narbonne, the Lands of the Crown of Aragon. – Commerce and Conquest in the Mediterranean 1100–1500*, Areat Yarmouth, Nonfalk, 1993, p. 196; Ն ու Ղ ն ի ' A Mediterranean Emporium: The Catalan Kingdom of Majorca, Cambridge, 2002, p. 182; H. Laurent. *Un grand commerce d'exportation au moyen âge: La draperie des Pays-Bas en France et dans les pays méditerranéens (XIIe–XVe siècle)*, Paris, 1935, p. 83, 106, 192.

³³ L. Balletto. *Նշվ. աշխ.*, B, N 49.

³⁴ Նույն տեղում, A, N 39, 51, B, N 1, 18, 51, 53, 80, C. Desimoni. *Նշվ. աշխ.*, էջ 453–454, 460–461, 504–505; C. Otten-Froux. *Նշվ. աշխ.*, էջ 170:

³⁵ Կիպրոսի թագավորության հիմնական դրամական միավորը՝ սպիտակ կոչված ոսկե բյուզանդը, կշռել է 3,87 գր: Ըստ Ղ. Ալիշանի՝ 27 սպիտակ բյուզանդին համարժեք էր 100 հայկական նոր դրամը (տե՛ս Ղ. Ալիշան. *Նշվ. աշխ.*, էջ 383–385):

³⁶ M. Ballard. *Notai genovesi in Oltremare. Atti rogati a Cipro da Lamberto di Sambuceto* (11 ottobre 1296 – 23 giugno 1299), Genova, 1983, A, N 2, 20, 23, 63; M. Ballard. *Notai genovesi in Oltremare*, B., II N 70, 73; V. Polonio. *Նշվ. աշխ.*, N 91, 238, C. Otten-Froux. *Նշվ. աշխ.*, էջ 165, 173, С. Близнюк. *Նշվ. աշխ.*, էջ 110–112:

³⁷ G. Pistorino. *Dal decline sul mare di Levante tra cristiani ed islamici alla conquista del mar Nero. – Genovesi d'Oriente*, a cura di Pistorino G., Genova, 1990, p. 117.

³⁸ L. Balletto. *Նշվ. աշխ.*, B, N 49, 50, 51, 135; C. Desimoni. *Նշվ. աշխ.*, էջ 533:

³⁹ L. Balletto. *Նշվ. աշխ.*, B, N 1, 7, 14, 49, 51, 53; V. Polonio. *Նշվ. աշխ.*, N 363, 401, 404, R. Pavoni. *Notai genovesi in Oltremare. Atti rogati a Cipro da Lamberto di Sambuceto* (6 luglio – 27 ottobre 1301), Genova, 1982, N 121; E. Dulaurier. *Նշվ. աշխ.*, էջ CII–CIII:

«Բարդի» բանկի գործակալ, միջնադարյան հեղինակ Ֆրանչեսկո Պեգոլոտտին հիշատակում է Այասում վաճառված երկու որակի կտավ՝ կանեփի կոշտ և վուշի⁴⁰: Ֆրանսիական կտավին վերաբերող առանձին կետ կա 1288 թ. Լևոն Բ-ի՝ ջենովացիներին շնորհած արտոնագրում. «... եւ զինչ իսկի ֆռանկ կտաւ ելնէ հաստ ու բարակ, ու զինչ իսկի քթան ելնէ հաստ ու բարակ, նայ տայ ի յըդտաբեռն նոր դրամ քսան ...»⁴¹: Արտահայտիչ է հետևյալ խոշոր գործարքը. 1277 թ. նոյեմբերի 22-ին Այասում Սիմոնե Լերկարին Անդրիոլո Դրոգոյից կոմսենդայի պայմանագրով ստանում էր 126 կտոր (pezza) շամպանյան կտավ, որը համարժեք էր 1460 ջենովական կաննայի (4340,58 մ.)⁴²: Մեկ այլ գործարքում շրջանառվել է կտավի էլ ավելի մեծ քանակություն՝ 229 կտոր⁴³: Եվս մի սկզբնաղբյուրում 30 բրաչչո (մոտ 20,5 մ.) կտավը գնահատված է 90 հ. ն. դ.-ով⁴⁴: Վաճառվում էր նաև կտավյա զգեստ⁴⁵:

Տեքստիլ տարատեսակ ապրանքների նման բազմերանգ տեսականին ևս մեկ անգամ փաստում է, որ XIII–XIV դդ. Կիլիկյան Հայաստանը դարձել էր միջերկրածովյան առևտրի կարևորագույն կենտրոններից մեկը, հատկապես, երբ խաչակրաց հենակետերն Արևելքում 1291 թ. վերջնականապես անկում ապրեցին: Փաստորեն, Այասում և կիլիկյան այլ նավահանգիստներում կարելի էր գնել ժամանակի եվրոպական տեքստիլ արտադրության ամենահայտնի և որակյալ ապրանքները: Ի դեպ, որոշ ապրանքներ կարող էին լինել թե՛ տեղական, և թե՛ եվրոպական ծագման: Գործարքներում շրջանառված էին նշյալ ապրանքների բավական մեծ ծավալներ, ինչը վկայում է ծավալուն ապրանքաշրջանառության մասին:

ТЕКСТИЛЬНАЯ ПРОДУКЦИЯ В МЕЖДУНАРОДНОЙ ТОРГОВЛЕ КИЛИКИЙСКОЙ АРМЕНИИ (XIII–XIV ВВ.)

ЗОГРАБ ГЕВОРГЯН

Резюме

С XIII века Киликийская Армения стала членом большой средиземноморской семьи и быстро внедрилась как в политические, так и в экономические процессы. Роль Киликийской Армении в торговле между Востоком и Западом выросла. Если из Азии в Европу отправлялись специи и сырьевые товары, то европейские купцы продавали на восточных рынках готовую продукцию, осо-

⁴⁰ Pegolotti, p. 59.

⁴¹ Ջ. Պեգոլոտտի. Նշվ. աշխ., էջ 742:

⁴² L. Balletto. Նշվ. աշխ., B, N 53.

⁴³ Նույն տեղում, B, N 49:

⁴⁴ Այստեղ, ամենայն հավանականությամբ, օգտագործվել է բրաչչոյի վենետիկյան տեսակը, քանի որ բերված տվյալը քաղված է 1303–1304 թթ. վենետիկցիների կողմից Այասի բերդի թալանման և այս 1307 թ. վնասների հատուցման համար կազմված ապրանքների ցանկից (տե՛ս Ջ. Պեգոլոտտի. Նշվ. աշխ., էջ 744):

⁴⁵ L. Balletto. Նշվ. աշխ., B, N 47.

бенно текстильную. Богатый ассортимент текстильных товаров свидетельствует о том, что в XIII–XIV вв. Киликийская Армения являлась одним из главных центров средиземноморской торговли.

TEXTILES IN THE INTERNATIONAL TRADE OF CILICIAN ARMENIA
(The 13th–14th centuries)

ZOHRAB GEVORGYAN

S u m m a r y

Since the 13th century, Cilician Armenia had become a member of the great Mediterranean family, and was involved both in political and economic processes. The role of Cilician Armenia in the trade between the East and the West had grown. When spices and raw materials were transported from Asia to Europe, the European merchants sold in eastern markets ready products, especially textiles. A wide range of textile products shows that in the 13th–14th centuries Cilician Armenia was one of the main centers of the Mediterranean trade.